

中陰經



百九十三  
墨二

48693

六



元祿九年丙子二月日重脩

皇國聖國 帝潛銀呂

佛日增輝 懋輪常轉

山城州天安寺法金剛院置

中陰經卷下二

姚秦涼州沙門竺佛念譯

中陰經神足品第六

尔時妙覺如來即以神足化此三千大千刹  
土上至非想非非想天下至無救地獄皆紫  
金色皆如妙覺如來而無有異三十二相八

十種好圓光七尺皆坐寶蓮華高座上坐演

出梵音聲聞三千大千刹土一一諸佛說八

萬四千雜行其覩光明者姪怒癡病皆自消

滅異口同音而說頌曰

經法本無體 滅已今復興 斷除有漏法

獨步於三界 生死無數劫 遭遇良福田

金色普遍照

蒙光得解脫

神力不可盡

觀了本無形

大慈大悲心

拔濟無明等

五陰苦本源

流浪得濟度

四使生死河

法船度彼岸

善權無礙道

入彼無為境

吾昔發誓願

要度未度者

修身清淨行

口言無虛妄

心念濟八難

諸惡何由生

今時有菩薩即從座起偏露右臂右膝著地  
長跪合掌叉手前白佛言快哉世尊神足無  
量不可思議今欲所問若見聽者乃敢陳啓  
妙覺如來告彼菩薩善哉善哉族姓子恣尔  
所問吾當一一分別說之時彼菩薩白佛言  
世尊如來神足不可究暢余此三千大千世

界炯然金色。是何三昧。有此神變。佛告菩薩。此神變者。是三昧王。三昧唯有諸佛。乃能變現。非聲聞辟支佛所能修行。此三昧王。三昧將從八万四千。或有三昧名虛空藏。或有三昧名昇法堂。或有三昧名月光清淨。或有三昧名破有入無。或有三昧名一意不亂。或有

三昧名除去塵霧。或有三昧名拔三毒根本。或有三昧名滅過去當來。今現在病。或有三昧名開甘露法門。尔時世尊欲解斯義。重說頌曰。道力清淨行。身口意不犯。誓願阿僧祇。沒溺生死者。金剛難敗壞。非二乘所及。觀身苦根本。思惟四果證。積行不退轉。

閑靜坐道場

一劫入定意

二三至七劫

地焦過劫燒

其心亦不動

壞破魔部界

悉成無上道

三昧定意力

福報不可量

令三聚衆生

得成無上道

觀察衆生心

難度易度者

不令在沒溺

流滯生死海

我本無此色

紫磨金光體

歷劫勤苦行

修定成此形

尔時妙覺如來說此頌時諸佛世尊同時舉

手讚妙覺如來以偈頌曰

丈夫二足尊

世雄不可量

拔離三界苦

淡然爲一色

今聞如來說

定意神足道

其聞法性相

相相不可量

八種清淨音

十六特勝法

三十二行業

利益一切人

天人尊無比

光明照衆生

久在飢渴道

飲以八解脫

無欲清淨地

化以七覺華

不著五陰本

猶如青蓮華

香熏遠普聞

如來五分身

無處不流布

吾昔求佛道

誓願同一時

今日得果證

不違昔所願

一相無相道

分別微妙慧

曉了善權道

當時世尊說此頌時有百億希望中陰衆生

求佛身色紫磨金形如我今日神變無量要

當來世皆當成佛悉同一号妙覺如來應供

正遍知明行足善逝世間解無上士調御丈

夫天人師佛世尊

中陰經破愛網品第七

尔時妙覺如來將欲破愛結使欲使四衆自見證驗即入不動三昧欲令彼衆知欲愛色愛無色愛尔時世尊重自思惟此欲衆衆生亦愛非愛亦有漏無漏亦有爲無爲亦可記不可記色界衆生非有非無非想非不想識可見法三界欲最重染著不可離中陰衆生等要須聖教五識衆生有前有後非想非非想識衆生有取涅槃無取涅槃者云何中陰衆生遇聖得證彼有一病計無我命恒計無常前生非後生後生非前生此聖人語非本發心意要須聖人如聲聞法五色識者根本



未成見佛識佛一一所著多受福地墮者非  
一不計吾我身是法非法行三界為網所覆  
欲出難得脫猶如擲綫丸緒在猶復還三界  
衆生等捨此復還此亦時世尊即說頌曰  
三界為火宅 火炎極熾盛 愛心所染著  
將入三惡道 前生非後生 愛有輕重法  
五色識法者 今世後易度 生死八難道  
與泥洹對門 無彼無此法 最勝無等侶  
神足接衆生 見者無不度 當來過去人  
輒闍阿須倫 天龍鬼神等 無不得濟度  
善哉三界尊 善說微妙法 令受苦衆生  
得至無為岸 去身口意病 寂然無移動

如飢者得食

如渴者得飲

正觀除愛結

三脫甘露門

我發無上道

除愛無渴想

於火炎拔濟

得成於世雄

過去無數佛

當來現在等

如我今日化

不計彼我想

正法除邪法

塵垢永已除

無礙惣持法

思惟分別觀

於億百千劫

遊戲諸三昧

四空定意法

往來不疲極

諸佛所遊處

多益無減損

舉足下足頃

所度不可量

當我下足處

有識衆生等

隨類而得度

遍滿三界中

隨心得三道

如是無窮已

八解無闕法

離捨壽命根

不計三界想

害彼五逆結

汝生知汝生

汝滅知汝滅

汝上知汝上

汝下知汝下

中間無脫處

過者何處去

當知佛力大

遍入物惣持法

由本誓願故

未度者令度

四等慈悲捨

遍滿諸十方

佛指出甘露

如慈母愛子

又母非父慈

又父非母慈

三界四顛倒

難化如金剛

如物初入爐

窟惡先焦滅

真者不移動

如汚生蓮華

佛道實真正

無畏無所著

不有想念累

心亦無往來

尔時座上有一菩薩名曰炎光即從座起徧

露右臂右膝著地長跪合掌叉手前白佛言

如今世尊說真實之法或言有法或言無法

或言有為或言無為或言有記或言無記今

衆生受化者以何法化而得濟度尔時世尊以頌報曰

諸法正有一無二亦無三愛識非愛識

永離於胞胎破一縛著愛使衆生愛盡

如來神德力自識宿命本或在王天宮

轉輪王治處或在貧賤處下至無救獄

一一分別了衆生垢著心

尔時世尊說此頌時六十八億那由他中陰

衆生即從座起偏露右臂右膝著地長跪合

掌叉手前白佛言咄嗟此苦乃是大苦於衆

苦中此愛最苦唯願世尊聽爲出家尔時世

尊嘿然聽之尔時中陰衆生聞佛說法即得

阿羅漢果

中陰經三世平等品第八

尔時座上有菩薩名不猷患劫即從座起偏  
露右臂右膝著地合掌叉手前白佛言善哉  
最勝如來神力極微妙不可思議如來神德  
出廣長舌不犯衆生過今此三聚衆生過去  
當來現在爲過去耶未來耶現在耶

尔時世尊告不猷患劫菩薩曰善哉善哉汝  
之所問於三聚衆生多所饒益多所潤及斷  
無明本身業得清淨非一佛所說

尔時世尊即說頌曰

人本在胎時

自識本宿命

捨彼今就此

三世炳然定

前識非今識

前身非今身

但為愚惑迷

不知趣道門

念此在四使

發起若干想

咄嗟老病死

墜墮在三世

今時世尊欲解斯義即說頌曰

本我無此色

受想識亦然

我虛彼亦無

豈有識想受

無色名色法

眾生亂想法

九品有差別

分別三世道

上上最妙道

非去非未來

上中最微細

上下無覺觀

中上斷三結

中中滅三垢

中下霍然悟

此名為佛子

下上雖為重

如彼水上泡

一生而一滅

下中眾生類

苦本最為深

非我誰能知

下下眾生類

經歷於劫數

吾亦就彼化

不見漏失者

人心有若干

坐上心不悟

或願當來佛

或願現在者

此等衆生類

難可濟度者

人本無形生

還入虛空中

生死相牽連

何者名泥洹

若言有衆生

身口意行淨

寂然入滅度

無有老病患

知誓發一心

亦不自爲已

虛空不可獲

何者名虛實

如來梵天音

分別實相法

解了空無慧

三界獨步尊

有覺空意法

觀身不戀著

無覺在三禪

進取不退道

自我成佛來

以此爲本業

成佛亦由此

泥洹亦復然

所以積功勤

未獲於實相

聞四不離四

此是諸佛印

尔時世尊說此頌已無量無限那由衆生及  
中陰五色識非想非非想衆生欲得去離不  
樂三世尔時世尊重說頌曰

過去非今有

現在亦復然

當來弥勒身

教化無差別

我今說少少

如人瓜上塵

欲說世界塵

誰能究盡者

今雖處中陰

移坐無想天

地獄對門人

聞法乃得悟

尔時世尊即以神力接中陰衆生至非想非  
非想識天尔時世尊復以神力到彼至非想  
非非想識界施設莊嚴七寶高座皆有化佛  
一一化佛皆有四衆一一衆者威儀法則悉  
皆成就此衆生中或有誦經說義賢聖嘿然



或有入定出定。入定時妙覺如來復以神足十力接彼。非想非非想識衆生。如中陰形。無有差別。入時世尊如諸佛常法威儀。法則今無。量化佛合爲一佛。或以一身變爲無量。或在樹下演說法教。或入初禪定。意不亂。或在高巖閑靜寂處。或坐虛空。作十八變身。下出火。身上出水。履水若空。無有罣礙。或取滅度。亦無滅度。或現無常身體。腫脹爛臭。如白鴿色。或現手足又在異處。入時非想非非想識衆生見此變易。心懷恐怖。我本生心謂呼定是。涖涖無病。無老無諸痛苦。今觀此法。有生有老。有病死痛。今遇如來降神在此。若不順者。

無擇地獄即我舍宅吾本宿世同要之人先  
生彼識阿難陀迦蘭陀見佛禮拜善哉世尊  
尊中無比降神此界如遇優曇鉢華若佛不  
降此者我等永處邊地殺害無量迦蘭陀身  
復自宣白今遭大聖如日銷雪若不遭聖彼  
當墮墜作飛狸身飛走盡害無有脫者以此  
本誓願得脫苦際虛空無量界神得三界尊  
辟支聲聞等眼之所能見尔時迦蘭陀作是  
念我等同生生此識界罪福未分或墮邪見  
受飛狸身我本造身不獨三界中陰五色及  
無色形已生此念非想識衆皆生苦心我等  
諸人雖生此處非得泥洹非安隱處今遇如

來說真實法。斷拔千萬門。不去亦不來。貪欲  
本生我。我今還滅汝。爲過所覆。非今世後世。  
生有老病苦。如影重有影。如月樹葉影。現於  
水野。干飲之。終竟無獲。我今三世尊。有實無  
實法。化不變。易生者非有。生善哉。世微法難  
度。而度世間愚癡人。計我爲身實。當其捨壽  
時。鉤鎖骨相連。分別彼身中。何者命與壽。生  
死纏累。苦捨彼復受。此處胎冷熱。苦出有生  
滅。憂母雖樂育。我不生。誰有患。落瀆如水泡。  
識神染其形。輪轉五趣中。所往無脫處。生死  
五道海。無往而不經心。爲殺身本。汝滅我何  
患。虛空無本末。誰知常無常。彼無想之識。見

阿難陀迦蘭陀一為邊地王一為著翅虫三界  
最為苦本處非汨汨如遊壙野指東謂為西  
今遭大聖於一切眾苦都得解脫尔時非想  
非無想識眾生意即於佛前尋聲而說頌曰  
吾本事五火 燒炙身體爛 卧在荆棘上  
身被鬪體衣 翹足向日月 無神不奉事

今生非非想 得見如來身 自耻本所行  
在此無脫處 特知正法化 如來自降神  
得脫無擇門 永住安隱處 五欲生死垢  
纏縛四流中 心惑著三有 燒以智慧火  
四趣五道人 不見生本末 著識吾我者  
如我今無異

尔時妙覺如來復以頌報曰

卿等本謂真 八萬四千劫

無常生死本

彼死還生此

汝等衆生類

未曾老病死

守一求泥洹

此非真實法

垢盡識不滅

還在三惡中

非我汝不悟

誰能脫此難

吾從無量劫

誓度生老死

非我前身造

亦非後身受

本得金剛定

今乃教化汝

地不可作空

空不可作地

水不可作火

火不可作水

一切愚惑人

萬物皆我有

愚癡無明法

謂為正真道

如彼疲倦人

懈怠須臾間

雖居八萬四

視之如一日

為五苦衆生

何處不有我

分別身法相

分別空無法  
問生根本道  
癡病是其源  
觸入受色法  
不識十二緣  
由汝垢重故  
經歷不度界  
結使之根源  
計空以為有  
習顛倒來久  
迷惑墮六趣  
根在由復生

生者不見生  
由行之所造  
名色六入法  
受入更樂樂  
如蛾投火光  
則我心垢重  
破壞心垢相  
無常謂為常  
無我以為我  
如蛾貪火光  
生此非想天  
迷惑四顛倒

死亦不見死  
三惡之重者  
此是世之常  
一切衆生惑  
妙覺如來說  
如我成佛身  
識別想非想  
以苦言是樂  
此想非想類  
不避滅身難  
譬如斫伐樹  
無明之所裏

今開甘露門

聖諦真如有

拔苦之根本

永盡無有餘

四使長流海

生生不斷絕

我今破三界

將到至彼岸

安隱無畏處

尔時世尊說此頌時非想非非想識衆生皆

發無上正真道意於無餘泥洹而不般泥洹

或有應生天者與說十善法應生人中爲說

五戒或趣三惡道者與說刀山劔樹火車鑪

炭如此等類三百三十六億那由他馱患劫

壽聞清淨法即成道果尔時世尊復以神足

十力無畏接彼非想非非想識衆生將至五

色識界衆生修治道樹莊嚴刹土放大光明

一一光明皆有化佛一一化佛皆坐七寶高

座三十二大人之相說六度無極彼五色衆生  
見如來變化心垢縛著坦然除盡不復願樂  
染著生死尔時世尊以清淨梵音而說頌曰  
苦本生死怨 除之以善權 四等大慈心  
超越無量界 今此利根人 一聞不再受  
覩佛色形相 普入寂滅處 乃知賢聖道  
無量難思議 滅垢不復生 盡同聖賢道  
當其世尊說此頌時無限無量五色識衆生  
盡同一号於當來世号普廣如來應供正遍  
知明行足善逝世間解無上士調御丈夫天  
人師佛世尊  
中陰經無生滅品第九



尔時妙覺如來將欲移到諸佛刹土告三聚  
衆生發心趣向求汲洹道今我現在與汝說  
法若有所疑即來問我汲洹有生有滅不耶  
尔時三聚衆生聞如來語前白佛言從欲界  
上至非想非非想發意趣大乘不思議法未  
曾聞有有爲無爲法何者有餘何者無餘何

者是上人法何者非上人法尔時世尊與三  
聚衆生分別句義字義及無相義如來神力  
有三十二法何者爲三十二憶本宿命中根  
本所生知本所從一一所生彼死生此此死  
生彼以眼識通觀察如掌中觀珠以耳通蠅  
行蟻步及微細聲皆悉聞之本有三界今無

三界汝等受道證發心各各異中間等變易  
何者是三界何者非三界亦時世尊說此語  
時三聚衆生重生狐疑亦時世尊知彼衆生  
心之所念欲得與說無相法觀以頌說曰

何者名為頭

何者名為足

何者名為華

何者名為果

人命在於頭

滅如灰上塵

百草樹木根

拔去不復生

觀此衆相法

無頭亦無足

有餘無餘法

等此而可知

若言有涅槃

我身今現在

若言無涅槃

何處有三聚

佛以神力故

令汝知有無

我觀三界苦

此亦有亦無

前念非後念

前形非後形

吾從無數劫

舉足及中間

其中起大悲  
三塗受苦者  
吾本一把施  
隨念即時得  
此者誰能別  
分別有餘無  
到彼還作佛  
西南土莊嚴  
其土甚快樂  
爲姪怒癡縛  
彼土七寶樹  
皆說度無極

非二乘所及  
如慈母乳子  
今得隨所願  
何況四等具  
唯佛佛知之  
欲得觀我界  
名曰釋迦文  
盡以一道化  
所念即在  
前一音遍  
四方風吹  
樹葉時  
我彼刹土中

當我起大悲  
無不飽滿者  
七寶聚琦珍  
六度濟衆生  
今當與汝說  
吾以神足徒  
七十二恒沙  
無辟支聲聞  
不似此土界  
聞者尋得度  
葉葉共相向  
任壽阿僧祇

現取滅度時

遺法十二劫

欲知劫長短

賢劫爲一日

計此日月數

以成十二劫

汝等三聚人

知我功德不

適彼東方土

八十億由他

其土名不終

佛号名滅界

我現弟子學

剷除披袈裟

長跪受聖法

彼佛知我心

彼等衆生類

見我著法服

不樂於世欲

同心樂出家

威儀禮節具

不失禁戒法

當其屈伸時

見者衣毛豎

此皆本宿命

同共誓願者

離欲無所著

無有生滅相

盡修於梵行

以我佛神力

於死得脫死

念此無記等

不解生以滅

輪轉於五道

四聖甘露法

充飽一切人

當其出世尊說此頌時見此初學弟子剝除驕  
緩受聖教百七十億衆生願樂欲得思惟法  
觀不樂在家出家爲沙門佛告三聚衆生我  
今東北方無限無量恒河沙數彼有利土名  
曰清明佛名明月彼土人民無姪怒癡亦無  
憍慢我慢不如慢彼土衆生恒樂安靜獨坐  
無爲繫念在前初無亂想雷電霹靂心無傾  
動今時妙覺如來適彼刹土遇地而坐彼衆  
生見坐禪者悉共效之佛以神力以無想法  
觀迴衆生心如手轉物令彼衆生知有常無  
常知生老病死苦或有衆生令知有念或有  
衆生令知有待或有衆生令知有安或有衆

生令知自守佛將欲現四禪功德即於三聚  
衆生前從初禪出入二禪三禪四禪從四禪  
起入三禪二禪初禪從初禪至三禪從第四  
至第二禪此名師子奮迅三昧亦時世尊現  
此神足三昧定意度無限無量那由他衆生  
皆共同發無上正真道有願樂頌陀洹斯陀

含阿那含阿羅漢法眼淨得辟支佛道當於  
亦時妙覺如來忽然不現

中陰經空無形教化品第十

亦時妙覺如來捨中陰形入虛空藏三昧以  
佛吼而吼出八種音聲何謂爲八非男聲非  
女聲非長聲非短聲非豪貴聲非卑賤聲非

苦聲非甘露聲。爾時世尊隱形不現。演出八萬四千諸度無極。何謂八萬四千度無極。想非想。有受入結。使患本如月雲覆一切衆生。爲欲所牽。有四百病。一生而一滅。人犯五逆。欲離泥犁去。見八地獄。衣毛皆豎。南西方北。東亦亦。以聞響。衆生故。演此諸法。當於爾時。三聚衆生。聞虛空語聲。無色無形。於其中間。演出諸法。善哉。諸佛教無色形。難可思議。爾時三聚衆生。異口同音。以頌仰問虛空曰。如來本在此。三十二相具。慈悲愍一切。所潤難可量。爲我說微妙。八等聖道支。隱形聞聖音。萬物皆無常。如來黃金色。

本有今不見

但聞音響聲

佛無我豈有

計我生死本

流轉而不任

但為色所惑

福滅而罪至

如來大聖尊

示人代謝法

忽然離形相

音響來教化

以本宿緣故

形逝音接我

老病生憂悲

四蛇啖我身

地種骨肉是

水種潤澤是

火種枯燥是

風種散壞是

無著三乘法

離有故在有

心垢久已離

四種故存在

如來大聖尊

無彼此四大

正言有四種

亦復無四種

正言無四種

亦復有四種

此是不定法

誰能究竟者

今時如來答彼音聲即說頌曰



佛子知空不

一切法無常

人生非本生

豈有本生緣

我音友汝音

可得不可得

吾從無數劫

不為一衆生

一念一息頃

度少不以愁

所度阿僧祇

亦不以喜悅

我本為一人

閑靜不度人

後緣而對人

不失本誓願

處此閻浮提

四姓刹利勝

除彼婆羅門

餘姓最不如

以本法界觀

生老病死苦

我無彼亦空

何者有生死

生者言有本

生者從何至

設知生死本

經洹在我前

解知泥洹法

無佛亦無我

法從何處生

去至何處滅

佛以真實法

現以有無法

此生此滅處

愚惑得正見

言有亦非有

言無亦非無

輪轉生死海

爲五欲所縛

無駢無鞭策

自墜生死淵

尔乃知罪福

知悔不悔者

尔時世尊說此頌時八十七億那由他三聚

衆生解無形相法發無上正真道意

中陰經有色無色品第十一

尔時座上有菩薩聞空中有如來聲仰視空中  
中嘆曰甚哉但聞其聲不見其形此色非本  
色餘陰亦復尔此欲界衆生難可免度要須  
智劍剷除令無餘我本修梵行非身口意造  
非一亦非二欲我從汝生由汝墮三塗一念  
欲滅衆想亦無去來今過去諸如來教化群

萌類說過去不說今未來今說未來不說過去現在說現在不說過去未來或言有三世或言無三世介時世尊欲重解斯義而說頌曰  
生老病死本 諸如來塵垢 要入中拔濟  
何為地獄人 不似妙覺尊 在中陰教化  
於妙妙中最 下劣所不及 如人持鉢乞

隨彼所施與 持鉢者思惟 是有是無耶  
未證自謂證 邪見之根本 正法言非法  
流轉五道淵 正法分別法 不失於法性  
若不失法性 此是諸佛教 法性無三事  
亦無去來今 若言是現在 現在何者是  
若言是過去 過去何者是 若言是未來

未來何者是

人能解此法

曉了三世事

解本無雜想

順一大乘行

有緣衆生善

濟此無不度

猶如負債人

償畢大歡喜

內外悉通達

周旋不怯弱

尔時大勢至觀世音菩薩承佛威神音響教

化即以神口而說頌曰

生老病死本

諸如來塵垢

要入中拔濟

何處不往返

我師無量壽

永劫不滅盡

本我所誓願

何爲地獄人

不似妙覺尊

在中陰教化

於妙妙中最

下劣所不及

願我後成佛

如妙覺無異

尔時觀世音說此頌時三億衆生發無上正

真道意

中陰經歡喜品第十二

尔時妙覺如來入寂滅三昧將欲遊行他方  
世界願見所度不可計衆生心懷踊躍猶如  
比丘入四禪法心意淡然無飢無渴善哉教  
化不失本願心懷自慶而說頌曰

如來神足力

離苦不著有

處處分身化

要度有緣者

賢劫千佛等

所度無有異

亦在三聚中

正法除非法

甘露法門開

掩閉三惡道

稱揚大智慧

拔出愚癡根

諸法自瓔珞

內外悉清淨

慈悲四等心

無方不遍滿

攝持身口意

超越生老死

余時世尊說此頌時辟方三千大千世界滿  
 中三聚衆生承虛空中教皆發無上正真道  
 意歡喜奉行作禮而去

中陰經卷下

硌闕蓋二同吾烱俱茗緜字緒音炳音泡音墨  
拖音爪

之巧反臄反脹正疇疇疇疇爛臭臭下郎且反

狸反力之翅施智疇疇正况反荆棘上音京下救反

體二音獨樓翹渠搖史羊朱蛾音蠅俗作余陵反狐體

音琦音徒斯紫披袈被音霹靂下音普覓反啞

子雜枯燎老下蘇反鞭策下楚淵烏玄下音曆反啞

